

經七日夜火法如此

又方

任以四味直爾擣篩以醪醋拌之泥泥十遍曬入釜安置依前法若依此為之得藥倍多而又色好

治口血喝方

取蒲黃四分羅取附子一半片炮已上二味各別擣取白雞冠血和坭坭之立止即急洗之不然却飯向一邊

太清石壁記卷中

太清石壁記卷下

楚澤先生編

鍊乳法

太清經云取好鍊乳細末納金銀瓶甌中內瓦一片用消石一分密蓋瓶甌上勿令泄氣蒸之用時自然作水名曰鍊乳服用時最佳

作鐵粉法

又取好鍊鐵為上細錯為末淘去土氣以三年好醋於小瓦盆子中拌令泥泥以糠火中燒盆子底令乾入鐵曰擣之以絹篩之餘脚依前擣以盡為度造二十土塢子微令作佛家嵐樣令缺後以醋拌鐵末泥泥內塢子中密封不得虛泄氣臺上坐甘土塢以牛糞火燒之一日夜甘土塢令紫色出以水飛之如有脚依前水飛之以細為度即以篋盆中細研之和入藥服之與五金同並忌龍葵烏牛肉鯉魚蒜等

又作鐵粉方

取鐵一斤白色者用鏡磨折者上好好鍊鐵亦得以銳刀削令細盡不得和土石取一斤

淨淘二十遍訖取好白淨礪砂三大兩取水

一升以鐵砂水三味攪令稠砂清盡鐵納鍋中以火煎水盡即以硝石一兩以水一升浸經七日又納錯中依前煎水盡日曬兩日訖即內塢中以蓋密固濟從微火漸漸加大猛一伏時少間令冷即出勿令灰土入即以篋盆石鏈研之令極細水飛三遍比去水令乾其粉即成密和為丸丸如小豆每日食後一丸至兩丸忌龍葵菜

服諸丹法

取棗肉裹如大豆日服一丸不得覺觸加二丸每一劑百丸唯八下二十上年宜服兩歲長兩兒三歲已下小兒要恐力弱不得服之自外服皆得唯不治疰黃一色餘病皆治重病加減下內最良兼服此是表裏功有驗如有吐痢不畏有氣腹中痛並是丹之功力勿怪唯忌牛肉白酒麻子血羹生菜蘿蔔芥子胡荽芸薹蒜薹自外無忌服丹後七日

療病狀法

大熱風眉鬚墮落服四百九并服杏仁刺風
 服二百九頭風服一百九半身不遂手不至
 頭服二百五十九上氣逆服二百九賊風
 入心驚走一百九傷寒風四十九九癱瘓氣
 塊各服一百五十九毒服二百九冷心痛
 七十九歷節風服二百九身上歷洩風一百
 二十九婦人斷結一百九癰卒心痛蜘蛛瘡
 肚裏冷氣腸鳴各五十九婦人帶下二百九
 婦人發乳吐血各一百九下痢四十九發背
 一百九婦人月水不調七十九臍下絞結痛
 五十九疳濕溺服八十九時氣二十九初三
 日已前服三九冷吐冷痺五十九因產中風
 五十九內癰腫二百九骨蒸瘡用末和水封
 之蠅蟲五十九反花瘡及冷癩末封瘡上下
 瘡末封驚服二百九面黧黧一百九宿食不
 消心腹脹滿各五十九男子痔疾一百二十
 九百節中大風一百九風黃一百九蜂蛇蜘蛛
 咬並末封之五臟中大風一百九腹痛五
 十九腸鳴結痛五十九損傷五十九胃中氣
 反胃各五十九口乾舌焦各五十九喘息咽

熱消渴各五十九咳嗽喉痛婦女崩中血溫
 瘴氣各五十九頑痺風三百九脚弱腰痛膝
 冷手足熱疼不可持物各五十九痲瘋內五
 十九并服之絕筋破骨損聚惡氣各五十九
 鬼疰風飛屍造疰燒蟲心痛各五十九夢與
 鬼交邪病各二百三十九破堅積逐九府破
 結固癰塊疰氣冷癥流血悶絕各一百四十
 九鼻中宿肉血出不止身體白駭驚邪心悸
 癰死肥發汗熱風下乳汗各一百二十九婦
 人斷孕五勞七傷各一百二十九男子虛損
 弱陰下濕陰痿下墜一百二十九白蟲內五
 十九并服大風疾初覺者服三百五十九女
 人下墜脫肛服二百九殺精物疳瘡諸癰癬
 疥癩毒癰癰等並服五十九及末封血脉發
 者服二百五十九偏風半身無汗者二百五
 十九長患疰心痛二百九四肢冷痺二百五
 十九毒疰病一百五十九虛病三十九
 服八石丹法
 使飢平旦空腹服一黍米許以漿水送丹若
 作丸丸如小豆一服兩丸微吐痢為度初日

服丹不得飽食食則傷人常須節勤所病差
 後服丹後百日内覺四體昏昏欲得睡并有
 涕子出此是藥候滯氣亦不須怪
 服八石丹加金銀粉共飛之法
 無問飢飽每欲卧時以銀匙子取如麻子大
 置於舌上任消散一服之後乃至終身旦起
 漱口水及食訖漱口水並須咽却勿遺棄百
 日外四體熱悶洪腫偏身白瘡出瘡出大好
 勿怪也即肥豬肋下肉五兩熱煮令溫水飯
 鹽嗽即愈若不止即以金凌兩大豆許服即
 愈
 服八石丹慎忌法
 五加木青蒿鐵漿諸血羹白酒陳米麴臭穢
 食酢滑熱麩五辛生菜瞋怒憂懼房室女人
 大忌此藥大安穩無動按仙經云三兩為一
 劑服之二兩三兩百鬼惡神不敢近人五兩
 五臟六腑變為金花名紀玉府長生無死治
 病之源俱依後制若也欲擬延年益壽補益
 者可長服以金薄二三兩和成丹與金飛取
 研鍊使熟大小如法不吐不痢甚得安穩若

於深山空寂之處夜暮獨宿以丹一大豆許燒之百鬼猛獸之類自然逃避若在路行瘴疫天行時氣染病者以緋帛裹之任從多少男左女右帶之獸鬼病亦不畏也

八石丹治人癩病法

肩髮墮落支節腫爛癩風邪狂言狂走癩塊堅硬如石癩癩九種心痛天行時氣心腹脹滿八種風十二冷痺偏身頑麻肢體惡瘡服丹後百日內不得飽食雜食諸血肉百日內慎之凡癩有五種一青風生青蟲二黃風生黃蟲三白風生白蟲四赤風生赤蟲五黑風生黑蟲欲知此病服丹即知差不差服丹下諸蟲出唯黑風生黑蟲量拱手者此名正報不可治也自外並治得差

水鍊雲母法

取其雲母向日看五色煥爛然無瑕穢者良又取雲母細擘訖盛於布袋中淨洗釜內於釜裏別以一木橫釜口上懸袋勿令著底即以一二升成鍊白鹽投釜水中煮之常令沸不絕候少減即添水每三日宜一度易去舊

水更換水雜鹽如此經七日七夜止即以雲母水中淨淘之灑出水令水氣泣計雲母五升可加白鹽末二升置木臼以木杵搗之須臾即熟訖以所熟雲母置大盆中以水灌攪之令散良久乃傾出取上細者別置一盆內

又更以水投攪之少時依前傾出取細者不過一兩度其細者即盡其麤者不盡澆出外令後泣依前取白鹽搗了熟又以飛取細者曝之令乾名曰水鍊雲母粉無木臼以碓搗之亦得不如木杵曰搗之為佳

服金英等諸丹瘡病法

腹內冷瘕瘕癥塊如墻又心刺胃不能轉動積年累月食飲不下服一百丸腰疼膝冷陽氣不與夢與鬼交泄精者一百丸下部虛三十丸立驗生熱二臟不慎食最佳四肢沉重多睡者一百丸手足不能收攝半身不遂全體總廢久而不瘳即便致困者服一百丸刺風四十九腹中冷痛一百丸五勞七傷一百丸風狂走一百丸消渴五十九宿食不消一百丸賊風入心一百丸夜卧咽喉乾燥舌上

及頑服五十九

服良雪小還丹等法

脚氣服一百丸食不下心頭脹滿腹內氣填胃多吐冷沫身體虛冷氣腸鳴一百丸食噎不下五十九丸吐血不止不下食一百丸頭風刺風熱風腫風各五十九丸傷寒服十九丸乍寒乍熱五十九丸面黃水腫一百丸青風面唇爪青服一百五十九丸暗風入頭掣痛連眼精一百丸痰飲添酸者一百丸脚轉筋一百丸風顛狂走失心服一百丸若胃口急閉不能食一百丸身體羸瘦盜汗一百丸燥滯疴枯一百丸好睡一百丸婦人赤白帶下血閉不產絕緒服一百丸牙痛不堪忍取一丸於蜂孔中著以蠟塞孔立愈蛇蝎蜂蠆蜈蚣諸毒咬螫毒感不可忍者以丹及酢和調泥作餅子如榆莢大厚薄如三重葉置瘡上以艾炙之三五炷立止亦有酢和丹向火微炙令乾便薄之毒蛇如傷經二三日腫大者酢研如汁塗瘡上卒死氣盡或經半日已來宜以丹和酒不爾飲灌之令入腹內以手按

捺腹內丹氣流通死者便活若口噤者揭齒
灌之併與四五丸服之差百蟲毒在腹中無
問遠近一百九差牛馬疫氣相染服五十九
牛馬疫病對量畜之大小以湯研五六丸灌
之再服二九瘴病無問日月深淺未發前服

二九欲發時服一丸遠不過三服婦人胎死
腹中不出者多日少日體困極垂死絕氣者
以丹三四丸研碎酒溫送之少時覺腹中鳴
胎即出若久不覺有異者更與一二丸酒半
盞發之立驗夜卧不安精神錯亂覺如昏昏
醉人之狀以酢研三五丸丹塗手足心上不
過三五日差又服五十九丸雜蟲痔病蛔蟲十
白蟲心痛吐水等明日平旦欲服丹今夜少
食令飢空服三四丸或加至五六丸日午前
蟲並出若一服不差他日更二九愈痔病用
三十九蜜和痔孔納之驗疔蟲無問丈夫小
兒宜以成研丹二三丸如大豆粒與臘月豬
脂可棗許相和調綿纏一筋頭以丹塗者筋
頭納下部中不過三度差諸毒腫宜以丹和
酢研以泥腫上乾易之三兩度差丹乾重封

不爾將酢酒滴腫上月經不調服一百九半
納下部出臭血黃水立驗乳癰研塗上邪魅
妖精恐怖各帶五十九每夜門前燒一九患
肉癰無問處所大小以針癰上作孔以丹和
臘月豬脂塗上向火溫然後灸之夜再三摩
已摩亦摩灸無不差丁瘡針刺多孔即以丹
十九於陰地持柔合大餅厚兩錢當腫上艾
灸十壯以疼為度差癩瘡臘月豬脂和丹如
蒸莖納瘡中食惡血盡以大豆汁洗之以薰
陸香和羊豬脂貼即是禿瘡以酢汁洗拭

乾以丹末和豬脂塗不待癩落依前更塗不
過兩徧冷瘡經年累歲膿水不止以丹深納
孔中以帛裹之不令藥出日著一九不過五
日即差大痛不堪忍亦不須去之疽瘻赤疱
風癩疥癬十年不愈針刺患處血出以丹末
和酢蜜塗之癩落即差月蟲透人面口此瘰
之立愈以成研丹末和豬脂薄塗之不過三
五度差產後血不止服一百九難產三九和
酒服之白癩服一百九和酢塗之狐臭亦然
緊脣以成研丹半小豆許薄塗之即刺羊皮

貼之不過三五度差

服丹人消息法

凡人服丹宜平明空腹淨漱口洗手面向東
服一九每朝如此不可更加皆須衰衰之亦
如蜜咽之白飲清酒水送之並得服丹之時
慎黍米牛肉羊肉血羹白酒者麪鯉魚鱸等

並不得犯凡服丹十五日已來當覺有異之
勢或有徧身微腫手足頑楚四肢不遂肉裏
瘡瘡如蟲行此人猶有冷風故也或有嘔逆
口中吐水多涕唾者此人猶有腹內脾胃間
病故也或有頭痛目眩骨乾面熱眼中淚出
鼻內水流此人猶有熱風故也或有手足煩
燥胃香疼痛者為五勞七傷或有大小便秘
痢膿血不止瀉出諸蟲此人有三焦之疾故
也或不覺有異者但有前應並勿怪之此藥
氣流通得神藥力病動之狀如不忍耐者即
便三日五日且停將息以生熟湯沐浴為佳
喫冷豉麥冷粥一兩頓亦好待氣力平復休
前更服勿見小困即便停之
夫藥不瞑眩其疾不瘳初須小困後大効凡

1 0 0 A 15 35 3

服丹過八吐痢不止者宜食冷菘菹冷豉粥
冷麥粥並佳又生鷄子五顆打取白一服五
顆類三朝服之佳又白乳一合和冷水一兩
服亦佳又冷水淋三升細須更即定若不
定依前更淋六七升即差又鍊朴硝一兩和
冷飲頓服亦佳又用硝石一兩研和飲服亦
佳又用水銀霜寒水石石膏各一兩和研冷
清飲頓服一兩服亦佳又煎甘豆汁冷服立
解又食冷飲三五口又服生芥汁一升亦佳
又人參一兩甘草一兩炙以水一升煎取一
合冷服差升塗瘡痛不止宜取黃蒿搗取汁
洗之止又方用乾棗湯洗之亦止
神仙鍊金石形質各有美惡朱砂光明照徹
如石榴子者良雄黃色如鷄冠紅色溫潤者
良玉質多種不同取其色白淨有溫潤之氣
無瑕類之玷扣之作清聲者良白石英無間
麤細但其表裏光靜明徹無點污置水中與
水同一色者良紫石英形如櫻子光明照
微輕明可愛無可比類者良磁石但取引針
相連五六者為良連針唯多最好雲母薄擊

之向日看煥然并有五色晃耀人目者良鍾
乳於飛化銷鑄之中亦必須上好者但取其
顏色潤澤麤而且厚者良礬石有五種有黃
白青黑赤色者但世人唯用黃白礬二種自
外不堪多用黃色但是燉煌出者皆好白礬
出吳地者良其餘不知硝石遠古相傳硝石
能化一切金石為水服此者咸可長生不死
難言之藥竟不言所出之處徒有硝石之名
其與無不異近代有貞白先生陶隱居條撰
草木方言朴硝是硝石之朴又言一名芒硝
尋其事由俱殊為乖僻又按岐婆論云硝石
本出烏場國其氣臭飛鳥聞其氣則不敢上
過直爾單服之則能使人身內所有蟲其藥
入口立化為水又鍊一切金石服之者皆可
長生服朴硝取不中風而形質又不枯燥色
帶青潤者良芒硝如陰地積雪溫而且潤者
良金銀二種雖是人貴不廢人盡惜故不言
焉餘糧出澤州界諸山其色有五種白赤黃
紫黑色所用者皆以色黃者為新熟似蒲黃
者為良餘色者不堪爾石中黃子出沁水源

形如鷄鴨子之狀打破有黃水如鷄子黃得
三升五升服之長生不死
紫雪法
治脚氣毒偏內外煩熱口中生瘡狂悖叫走
發解諸草石熱藥毒發卒熱黃瘧後毒等最
良方
黃金一百 白銀二百 左側寒水石八十 石膏
八十 礬石四十 八兩 並以沸水一石煮取四
升 麻玄參六兩 羚羊角五兩 犀牛角五兩 沉香
五兩 丁香四兩 青木香五兩 甘草八兩
右已上並細切和煎取汁一斗五升去滓
又入硝石四兩末消精四兩末和汁微火
上煎之可七升盛木盆中又入成研朱砂
三兩研麝香二分和攪令調勻經二日成
紫雪霜耳凡病人強壯者一服酒二三分
和水銀服之勞痢熱毒風小弱老人或熱
毒增減服之若合一劑可十年用之神妙
不同凡藥脚氣經服石藥發熱毒悶者服
之如神水和四分服勝三黃湯十劑
金英丹方

